

Radyo an Norvys

(<http://www.dasunys.net/podcast.htm>)

Titel: Nowodhow an seythun (26/09/07)

Auctour: Matthew Clarke

Dydh: 27 Gwyngala 2007

Pesyans: 00:04:04

Matthew Clarke ov vy... hag ottomma nowodhow a'n seythun yw passyes...

An kas ynter Krofti Dheghow ha'n Kowethas Dastisplegyans Kammbronn Poll Rysrudh a bes.

Towloryon Keryer re dhinaghas towlennow Baseresult.

Perghennoryon an bal a garsa drehevel peswar kans chi.

Byttegyns y teu y'n kethsem seythun ha Dastisplegyans CPR dhe lonchya aga gwel rag an hwelva.

Yma govenek dhedha i a gavoës an tir dre fordhow laghyl ha drehevel sportva veur.

Dy Meurth yth eth an kas dhe'n Lys Ughel yn Loundres le mayth usi Displegyansow Krofti ow kwerrya erbynn Konsel Keryer.

Unn den re verwis wosa treghi y gonna yn gwerthji yn Kernow.

Y feu gelwys kerri klavji dhe Woolworths yn Pennsans dohajydh dy' Yow.

An den o peder bloedh warn ugens.

Ev o gorrys dhe glavji Trelisk... byttegyns ny wrug ev omwellhe.

An kreslu a settyas war unn esel an senedh stenoryon a-varr y'n myttin an seythun yw passyes.

An withysi gres eth dhe ji Hugh Rowe yn Kammbronn ha'y gemmeres dhe'n gorsav yn kadonyow dorn.

I a gemmeras taklow dhiworth y ji keffrys... kepar ha lyvrow ha baneryow Kernewek.

Mester Rowe a lever y vos ow holya rydhsys dhe Gernow yn-dann fordhow kressek.

Hemma a dheu warlergh a alow godrosek dannvenys dhe Jamie Oliver ha Rick Stein.

Unn vamm ha'y myrgh, peswardhek bloedh hy oes, re verwis yn droglamm karr ogas dhe Orsav Bosvenegh.

Hy mab a unnek bloedh yw shyndys yn trog keffrys.

Hwarvos a wrug dy Sul y'n dohajydh war an A-etek-warn-ugens pan dheuth karr erbynn Jeep.

Kyns pell, y fydh tykkya-takky a dreys byghan yn chi a unn senedhor Kernewek.

Esel an Senedh Westminster dhe Druru ha Sen Ostell, Matthew Taylor, re dherivas ev ha'y wreg dhe waytya aga flogh nessa.

Hag yma nowodhow bryntin dhe Dan Rogerson ynwedh.

Mab veu genys dhodho ha'y wreg Heidi.

Jago yw y hanow.

Ev re leveris bos hwans dhodho a hanow Kernewek hengovek may fo y wreythennow y'n gonisogeth Kernow.

Y'n sport...

An Vorladron a waynyas erbynn an Pertemp Bees an seythun ma. An diwettha skor o tri-foynt-ha dew-ugens dhe'n Gernowyon... ugens poynt dhe'n vysytoryon.

Byttegyns... nys o mar dha rag an Para Oll-Du.

I eth dhe Rotherham ha kelli hanterkans dhe bymthek.

Kenedhlek Dew lemmyn... ha Rysruth eth dhe Southend ha kelli eth-poynt-ha-dew-ugens dhe seyth-warn-ugens.

Dos a wren dhe benn a vis Gwynngala... ytho miryn war-rag orth mis Hedra.

Heb mar pub Kerneweger a vydh yn hyns dhe Drenmogh rag kuntellyans meur.

Ni a wra klywes dhiworth an kessedhek usi ow profya tybyansow rag Kernewek skrifys yn bywnans poblek.

An jydh poran a vydh dy' Sul an peswardhekves.

Hag ena dy' Mergher an seytegves y talleth Lowender Pyran.

Chons marthus yw omjersya y'gan gonisogeth ni ha klappya agan taves.

Merv Davey yw esel kesedhek an Lowender...

[CLIP]

Y teu meur a dus rag an ilow ha dons... byttegyns re erell a dheu rag eva...

[CLIP]

Ha henn yw diwedh a nowodhow an seythun... genev vy Matthew Clarke.